

Մուրացիկանի նայուածքով ուրիշի նայուածքն են որոնում :

Յօրգը ու իր աժան մեքենան առաքելալի նման անցնում են մեր դաշտերից : Արարատը ծոռւմ է իր դլուխը : Գոստո մի հրեայ կոմունիստ մեզ լեզուարանական դասեր է տալիս : Բուսաստանից եկած թուղթի մի կտոր պատ- դամի հանդամանք է առնում :

Մեր գրութիւնը, առարկայական պայ- մանները, պատմութիւնը, բացատրում են բա- նիմաց մարդիկ :

Տօսկանայի հեռաւոր եւ յետամնաց մի գլեզում իտալացի շինականները շուրջս էին բոլորուել : Armeno?— Հա՞յ էք, poverini!

Սեղճե՛ր...

Ու մենք խեղճ ենք : Ոչ որովհետեւ անա- սելի Ֆրդիբական տառապանքներ ենք կրած, եզների նման մորթուած ենք, այլ որովհետեւ դարերից ի վեր կորցրել ենք այն, ինչ որ ար- տայայտելու համար բառ իսկ չունենք եւ որ անուանած ենք անորոշաբար ոգի :

Գաղափարների արտայայտական ձեւերից դուրս, աւանդութիւնների կաղապարուած բո- վանդակութիւնից դուրս, այնտեղ խորը ծած- կրւած շերտերի տակ, անտեսանելի գետակներ են անցնում եւ մարդու ու ժողովրդների իսկա- կան էութիւնը գեկալարում :

Պատահում է յաճախ, որ հոգի տակ խու- ժող նոր լուսաները բռնկում են, այլուում, շո- գիւնում ու վարերի ընթացքին, յաջորդաբար դուրս նետում հրարխային լեռներից : Գեանի տակ գոյացած հսկայ սարապը լեցւում է հե- ոուններից եկած ջուրերով : Խորհրդաւոր հո- սանքներ են կազմում, հոգը ձեղքում, ճանա- պարհ բաց անում ու լճանում : Իսկ երկրի մա- կերեսի վրայ, մարդիկ, մարած հրարուխների ստորոտին, արօր են քշում, ցանքս անում, գիւղեր եւ քաղաքներ շինում եւ անհոգօրէն ապրում իրենց ամենօրեայ կեանքը :

Մի օր էլ, կենդանիները, որոնք բնագոյով կապուած են, կեանքի ամբողջի հետ, սարսա- փած մայրւմ են, տոնում, մլաւում, ու երկիրը շարժւում է, նոր հոսանքների ցնցումներին ենթարկւում, ձեղքւում, փլում :

Ողբերգութիւնը ներկայացնում է իր դոր- ծողութիւններից մէկը : Ու մարդիկ, կուրա-

ցած կենդանիներ ի նման, յուսահատ եւ խելա- դար փախչում են, անիծելով անորոշը :

Եւ, սակայն, եթէ տունը փլում է մեր գըլ- խի վրայ, այդ նրանիցն է, որ մենք, մեր բը- նագրական կապը ստորերկրեայ գործունէու- թեան հետ կորցրել ենք : Այդ տեսակէտից կեն- դանիները մեղանից աւելի բախտաւոր են :

Եթէ այդ պատկերը մենք յարմարցնենք մարդկային էութեան, կը տեսնենք, որ լաւան ոգիին է, ներքին ստեղծագործ այն ուժը, որը եթէ չզիտակցինք, անխուսափելիօրէն կը կերպարանափոխուի եւ կը յղառնայ քանդիչ ուժ :

Մենք խեղճ ենք, որովհետեւ մեր ներքին բովանդակութիւնը մեր կամքից եւ մեր գի- տակցութիւնից դուրս է մնացել : Նա այլա- փոխուել է եւ դարձել է տարերային ուժ :

Շեղուել ենք մեր ճանապարհից : Ապրել կեանքի մակերեսի վրայ : Ընտրել գիւրիւն մի- ջոցներ : Ընդօրինակել ուրիշների փորձառու- թիւնից առաջ եկած գործիքները, յարմար- ուել, տաշուել, գործիք դարձել օտարականնե- րի ձեռքին, որբացել :

Ոգին ստեղծագործական ուժ է դառնում, երբ նա վեր է ածուում կենդանի մարմնի : Ժո- ղովուրդները ողջ են, երբ հեռապնդում են ի- բնեց ներքին, խոր օրէնքը : Կեանքը, իսկական կեանքը, գաղափարների քանակութիւն չէ, այլ հողեկան սրակ, կեցուածք, կենսական ո- բոշ արտայայտական ձեւ, պատասխանատը- ուութեան զգացում եւ ստեղծագործական կա- րողութիւն :

Մարդարապատը դէմքը դարձրել է երկ- րին, ահանջ է դնում լուսաների ճայնին : Ու մեր, իսկական բարոյական գէմքը ալտեղ է, **այս լերկ ու մերկ անապատի մէջ, այս ներուժ լուսեան աշխարհի մօտ :**

Հայաստանը, ամբողջ Հայաստանը, դեռ Որբերի գիւղ է :

Մենք նմանում ենք երեք նոյն ասպետնե- րին, որոնք մահն են փնտռում եւ չեն կարո- ղանում գանել, որովհետեւ կեանքը ընթանում է իրենց հետ եւ իր ճայներով լեցնում անա- պատը, անդունդը եւ պարապը :

Եւ սակայն, կեանքը ուզում է ապրել : Նա չի սպասում որբանոցի զանգին, որպէսզի ոտ- քերը քարչ տայ գէպի սեղանատուն : Նա այ-